

Jennifer Arends-Reyes (AVP)

TPEF ta un fondo cu ta logra proyectonan cu beneficio pa pais y su hendenan

ORANJESTAD: segun Sra. Arends-Reyes durante tratamento di presupuesto 2016 di TPEF fraccion di AVP a presenta un mocion cu ta pone hopi enfasis ariba e parti di siguridad den e area turistico. Un mocion cu a wordo sosteni unanimamente pero pa e ley mes pasa y pa e mocion wordo ehecuta Fraccion di AVP so a sostene.

Recientemente na comienso di Maart e directiva di TPEF a ser invita pa bin duna un presentacion den comision di Turismo ariba nan trabou, proyectonan cu a ser realiza y tambe diferente di idea a tuma lugha y tur Parlamentario presente a haya oportunidad pa haci pregunta of kita cualquier duda tocante e maneho of proyectonan di TPEF. Mester remarca cu den e reunion particular aki e 2 miembronan di fraccion di Mep no tawatin ningun pregunta aparte cu nan a yega ora e presentacion a caba. Ta asina cu hopi biaha hende ta puntra nan mes pakico lo mester un fondo apart destina pa e mejoracion di nos producto di Turismo. Mester bisa cu cada fondo tin nan meta y den e caso di TPEF aunke ta traha cu un presupuesto relativamente limita di algun miyon florin sinembargo ta destaca den contribui na un miho producto Turistico.



Desde cu TPEF a cuminsa na 2010 por a nota diferente proyecto grandi cu a logra cu fondonan di TPEF. Mester bisa cu TPEF ta haya su fondonan parcialmente di e tax cu ta cobra Timeshares. Pa ta mas exacto di e 9.5%, 2% ta bay pa TPEF. E aña aki TPEF tin un presupuesto di un poco mas cu 3 miyon florin cu ta bay directamente den proyectonan cu ta visibel rond di Aruba. A presupuesta 3.4 miyon florin pa 2016 pero ta conta cu otro fondonan pa inversionnan cu ta conta pa mas aña.

Considerando cu Aruba ta un isla cu tin un dependencia asina halto ariba Turismo y su economia ta draai a base di Turismo ta den Sra. Arends-Reyes opinion na su lugha cu nos habitantenan tambe lo mester por beneficia di proyectonan cu ta bin di fondonan di nos bishitantenan. Aruba a conoce proyectonan cu a haci un impacto positivo

hopi grandi den bida di nos hendenan local, awe bo por wak famianan, parehanan, amigonan y hendenan di edad ta haci uzo di nos Lin-eair park.

Lineair park tanto na Playa como Paradera ta traha cu fondonan di TPEF. Tambe awe nos tin un bunita Plaza Betico Croes cu a conoce un renobacion cu tawata necesario hopi tempo caba. A inverti den e prome fase di revitalisacion di San Nicolas su promenade y lo continua e aña aki cu e segundo fase. Nos por wak e realisacion di Plaza Padu dedica na un gran baluarte y persona cu un balor sentimental y cultural enorme pa nos pais.

Tambe ta inverti den facilidadnan riba nos beachnan manera na Arashi y Mangel halto y lo traha riba facilidadnan pa toilet publico na Lin-eair Park. T

PEF tin team special di limp-



iesa pa mantene e bari blanco di sushi den e areanan di beach y areanan publico. Den e parti di siguridad tambe varios proyecto piloto a ser implementa, e proyecto di bueynan den lama lo continua y asina por wak cu ta hopi proyectonan ta ser realiza pa mehora nos producto turistico pero cu nos ciudadanonan tambe tin beneficio di nan cu fondonan directamente di Turismo. Por wak cu un di e criticanan cu TPEF ta bin ta hayando ultimo tempo ta dicon TPEF tin cu haci e trabou cu otro departamentonan tambe lo por haci. Sra. Arends-Reyes ta kere cu lo ta bon pa splica y subraya cu e fondonan aki ta bin di e im-

puesto di Timeshares, y si ta asina cu kier destina e fondonan aki pa mehora e producto cu Aruba tin pa ofrece y no reemplaza ningun departamento y si por haci esaki pakico no?

Simplemente e ta completa e trabou y mehora locual tin pa ofrece na nos bishitantenan y alabes accesibel pa nos hendenan tambe por haci uzo di nan. Mester realiza hopi bon cu Turismo ta sumamente dinamico y na momento cu bo producto cu tin pa ofrece bay atras, ta simplemente un escogencia bo a keda. E competencia eyfo pa locual ta regarda Turismo ta real y agresivo. □